



МЕСЯЦА СЕНТЯБРЯ В 20-й ДЕНЬ

Святаго великомученика Евстафія

ВЕЧЕР

На Господи, возвах: стихиры праздника 3 и святых 3.

Стихиры праздника, глас 4.

Подобен: Дал еси знамение:



несь возсия световидно, якоже солнце, / Крест
Твой честный, Христе, / утверждаемь на краине-
ве месте преславнем / и возносимь, Спасе, / на
горе Твоей пресвятей, / являя святейшее, / яко
тем, Всесильне, / наше естество вознесл еси на Небеса, //
яко Человеколюбец.

Возвестиша днесь Небеса, Непостижиме, / человеком
славу Твою, / светло бо сияяй Креста образ / светом
неприступным, / неистовный и жестокий / богоубийц
нрав обличий. / Тем Твое человеколюбное строение
славим, / Иисусе Всесильне, // Спасе душ наших.

Простертием рук своих / Моисей победил Амалика, /
образ назнаменуя Креста прежде; / мы же, Древу Креста
поклоняющиеся ныне, / попираем вражия козни и
коварства, / Христа поборника имуще, / на том возвы-
шеннаго Плотию, / и змия умертвившаго, // и человека
спасшаго.

Ины стихиры святых, глас 8, подобен тойже:

Свыше звание твое, / не от человек, Евстафие, / но Сам
тебе является / Христос Человеколюбец, / и уловляет
тя, блаженне, веры мрежами, / и, крещением твоим
очистив грехи твои, / жития искушением / терпение
тебе простирает, яко Владыка, // и показывает победителя
словущаго.

Ра́дуйся, в юности/ добродетелей обучение приял еси, Евста́фие,/ детей лиша́емь,/ и твоея сопру́жницы/ пленение претерпéв до́блественно,/ и пострада́в рабóту безчестную./ Но ты, приснопа́мятне,/ е́же в бра́нех му́жество твое́ любéзна сотвори́// и свéтла возврати́.

Божéственное я́ко кади́ло,/ благово́ннейшее во огни́,/ и красно́ всесожжéние,/ жéртва благоприятна,/ прино́с же живу́щ и соверше́нейш/ ты при́неслся еси́ Бо́гу, вседомо́вен плодоно́симь./ Тем ты ны́не Небе́сная оби́тель, Евста́фие,/ с твоими́ восприя́т, досточу́дне,// и свята́х вои́нствы.

Сла́ва, свята́х, глас 2. Ефре́ма Ка́рия:

Второ́й Иов, Евста́фий/ житие́м, страда́ньми и по́двиги/ во о́браз добродетелей себé нам подлага́ет и столп терпéния,/ превозше́д и́стинно Иова добродетелию,/ с сопру́жницею и ча́ды, ве́рный в жити́й/ и неколе́блен во искуше́ниях/ и во страда́нии победоно́сец./ Егóже приво́дим в моли́тве Христу́,/ дарова́ти душа́м на́шим просвещéние// и очище́ние прегрешéний.

И ны́не, пра́здника, глас то́йже:

Рук премене́ние патриарха́ Иа́кова/ на благослове́ние чад/ держа́вное Креста́ Твоего́ предьявля́ше зна́мение;/ егóже мы держа́ще твёрда храните́ля,/ де́монския всемо́щно отго́ним полки́/ и велиа́рову горды́ню в нем низлага́ем,/ вражде́бнейшаго Амалика́ побежда́ем всегуби́тельную си́лу./ Того́ и ны́не возно́сима благочестиво́му́дренно, ве́рнии, во очище́ние грехо́в,/ Твое́й бла́гости, во многомножа́йшем гла́се вопию́ще, прино́сим:/ Го́споди, поми́луй, из Де́вы воплоти́выйся,// уще́дри рук Твои́х, Бла́же, му́дрое создáние.

На стихо́вне стихи́ры, глас 2.

Подобен: До́ме Евфра́фов:

Водо́ю боготво́рною/ и Кро́вию Твое́ю, Сло́ве,/ свéтло Це́рковь украша́ется,/ я́ко невеста,// Креста́ сла́ву пою́щи.

Стих: Возно́сите Го́спода Бо́га на́шего// и поклоня́йтесь подно́жию но́гу Егó, я́ко свя́то есть.

Копи́е со Кресто́м,/ гво́зди и иная́,/ и́миже живоно́сное/ Христо́во пригвозди́ся Те́ло,// возно́сюще, поклоня́емся.

Стих: Бог же, Царь наш прѣжде вѣка, // содела спасѣние посреде земли.

Егда Амалѣика / Моисей побеждаше, / на высоту рѣце имѣя / крестоявленно, // образоваше Христову Страсть пречистую.

Слава, глас 6. Ефрема Карія:

Адамѣнт душею, / како ты по достоинству восхвалим? / Естество бо превозшел еси: / имении и чад и сожительницы лишаемь, / блаженный он и приснопоминаемый глас Йовлев возопил еси: / Господь даде, Господь отъя, / яко Господу изволися, тако и бысть. / Но Егоже возлюбил еси Бога / и Егоже тепле вожделел еси, / паки тебе любезнейшая дарова, / сострадалыцы тебе быти промысливый. / С нимиже различных мук ради блаженный конец совершив, / сия и смолитвенники твоя прием, / терпеливодушне Евстафие, // моли избавитися нам от беззаконий наших.

И ныне, праздника, глас тойже:

Кресте Христов, христиан упование, / заблуждших наставниче, / обуреваемых пристанище, / во бранех победа, / вселенная утверждение, / недужных врачу, / мертвых воскресение, // помилуй нас.

Тропарь мучеников, глас 4:

Мученицы Твой, Господи, / во страданиях своих венцы прияша нетленные от Тебе, Бога нашего: / имуще бо крепость Твою, / мучителей низложиша, / сокрушиша и демонов немощныя дерзости. / Тех молитвами // спаси души наша.

Слава, и ныне, праздника.

НА УТРЕНИ

По 1-м стихословии седален, глас 4.

Подобен: Удивися Иосиф:

Простер Моисей руки к высоте небесней, / прообразоваше Крест, Божественное оружие верных, / на немже Христос грехи пригвозди. / Тем враг плакаше, стражда болезненно чувства, глаголаше: / деревяное мя копие прободет посреде сердца моего. / Христос вся от адских уз решит.

Слава, и ныне, тойже.

По 2-м стихословии седялен, глас 8.

Подобен: Воскресе из мёртвых:

Посредё Едема древо прозябё смерть,/ посредё же всея земли Древо процветё жизнь:/ вкусивше бо перваго, нетлenni сущё, тлenni б́ихом,/ получивше же втораго, нетлениа наслад́ихомся./ Крестом бо спаса́еши, я́ко Бог, род челове́ческий.

Слава, и ныне, тойже.

Канон праздника, со ирмосом на 6. Глас 8.

Песнь 1

Ирмос: *Крест начертáв, Моисей/ впрямо жезлом Чермное пресечё,/ Израилю пешеходящу,/ тоже обратнo фараоновым колесницам,/ ударив, совокупí,/ вопреки написáв непобедимое ору́жие.// Тем Христу́ пойм, Богу нашему, я́ко просла́вися.*

Образ древле Моисей пречистыя Страсти в себе самом прообразí,/ священнх средё стоя:/ Крест же вообразив,/ простёртыми побёду длáньми воздв́ижё,/ держáву погубив Амáлика всегубителя./ Тем Христу́ пойм, Богу нашему, я́ко просла́вися.

Возложí Моисей на столпé врачевствó,/ тлетвориваго избавление и ядовитаго угрызения,/ и древу образом Крестá/ по земли пресмыкающагося змíя привязá,/ лукавный в сем обличив вред./ Тем Христу́ пойм, Богу нашему, я́ко просла́вися.

Показá небо Крестá побёду благочестия держателю и царю богомудру,/ врагов в нёмже злосёрдных низложися свирепство,/ лесть же превратися,/ и вера распрострётся земным концём Божественная./ Тем Христу́ пойм, Богу нашему, я́ко просла́вися.

Ин канон святаго, на 6. Егóже краегранесие: Благостояния тезоименитому похваление Феофаново. Глас 4.

Песнь 1

Ирмос: *Моря чермную пучину/ невлажными стопами/ древний пешешествовав Израиль,/ крестообразными Моисеевыми руками// Амáликову силу в пустыни победил есть.*

Словом страстей моих играние молитвами твоими покорив,/ мучениче Христов, благохвалити устрой/ священное торжество твоих подвигов, всеблаженне.

Зв́ание твоё не от человек бысть, всеизящнейше, / но с Небес, яко Пáвля прѣжде, Христосъ тя призв́а, / явлѣйся, яко елень, от ядовитыхъ изымáя.

Мудрости гóрнейшия исполнен быв, мучениче, / тлѣемаго богатства и сладости, / Небесное наслаждѣние всеблагочестно проразсудилъ еси, / вседомовно венчаемъ.

Богородичен: Обрѣт Тя Чистшу, Всечистая, всея твари, / всех Зиждитель и Бог воплотится благоволи, / из Тебѣ Плотию Человека вообразити промысливый.

Песнь 3

Ирмос: Жезл во образ тайны приемлется, / прозябѣнием бо предразсуждаетъ священника, / неплодящей же прѣжде Цѣркви, / нынѣ процветѣ Древо Креста, // в державу и утверждѣние.

Яко испуститъ, ударяемъ, воду краесекомый / непокоривымъ людемъ и жестосердымъ, / богозванныя проявляше Цѣркве тайнство, еяже Крестъ держава и утверждѣние.

Рѣбромъ пречистымъ, копиемъ прободеннымъ, / вода с Крoвию истечѣ, / обновляющая Завѣт и омывательная грехá: / вѣрныхъ бо Крестъ похвала и царей держава и утверждѣние.

Ин

Ирмос: Веселится о Тебѣ Цѣрковь Твоя, Христѣ, зовущи: / Ты моя крепость, Господи, // и прибежище, и утверждѣние.

Терпѣл еси напастей треволненія крепко, / славне мучениче Христовъ Евстафие, / чад и жены лишáемъ.

Спасшеся Богомъ от расхищенія зверей, чада твоя, / мучениче Христовъ Евстафие, / звери мысленныя победиша.

Житиѣ преходя, яко реку, искушенными, славне, / твоея души сохранилъ еси / боговидное непоколебимо.

Богородичен: Чистоты чистое и дѣвства честное селѣние / приидите, вѣрнии, / воспойм радостными песнопеньми.

Кондак, глас 4. Самоподобен:

Вознесыйся на Крестъ волею, / тезоименитому Твоему новому жителству / щедроты Твоя даруй, Христѣ Бóже, / возвесели насъ силою Твоею, / победы дай намъ

на сопостáты,/ посóбие имúщим Твое орудíе мíра,// непобедíмую побéду.

Ўкос:

Иже до трéтяго Небесé восхищён бысть в рай/ и глаголы слы́шав неизречённыя и Божéственныя,/ ихже не леть язýки (человéческими) глаголати,/ что Галáтом пишеть, яко рачítелие Писáний прочтóсте и позна́сте:/ мне, глаголет, хвалíтися да не бúдет, тóкмо во едíном Крестé Господни,/ на нёмже, страда́в, уби́ стра́сти./ Того́ ўбо и мы извёстно держим, Крест Господень, хвалу́ вси:/ есть бо нам спасíтельное сие́ Дре́во/ орудíе мíра, непобедíмая побéда.

Седáлен Евста́фия, глас 8.

Подóбен: Премúдрости:

На живóтнем узрёл еси́ о́браз Крестá/ и на нем о́браз Иисýсов:/ ниц же быв, удивíлся еси́ видéнию,/ и вседомóвно пришёл еси́ к божéственному крещéнию,/ и, обнища́в, якоже вторýй Иов явился еси́./ Тем сопрúжницы и сынóв лишíвся, вопи́ял еси́:/ Господь даде́, Господь и отъя́./ Воиноначáльниче Евста́фии,/ моли́ Христа́ Бóга грехóв оставлénие даровáти/ прáзднующим любóвию святýю пáмять твою́.

Слáва, и ны́не, прáздника, глас и подóбен тóйже:

Крест Спáсов, в землí сокровénный, изъя́ше честнáя,/ рáдости же наполня́ет мирскáя исполнénия/ и в хра́ме Божéственном провещевáет возвы́сити в Дýсе,/ и скиптр нóсит в цáрская./ Тёмже Елéна сы́ну зывáше:/ простри́, влады́ко, и приими́ рука́ми твоими́/ держа́ву твою́ и побéды, мýдре,/ и язýки научи́ в благода́ти/ поклоня́тися Кресту́ и Страстém Христóвым.

Песнь 4

Ирмóс: Услы́шах, Гóсподи,/ смотре́ния Твоего́ та́инство,/ разуме́х дела́ Твоя́// и прослáвих Твое́ Божество́.

Горькорóдныя преложí дре́вом Моисей́/ исто́чники в пусты́ни дрéвле,/ Крестом ко благочéстию язýков/ проявля́я преложéние.

Глубинé вне́дривый секу́щую/ издаде́ Иорда́н дрéву,/ Крестом и крещéнием/ сечéние лéсти зна́менуя.

Священно ополчáются/ четверочáстнии лю́дие, предхо́дяще/ о́бразом свидѣтельства ски́нии,/ крестоо́бразными ч́инми прославля́емии.

Чудно простира́емь,/ со́лнечныя лучи́ испущáше Крест,/ и повѣдаша небеса́/ сла́ву Бо́га нáшего.

Ин

Ирмо́с: *Вознесена Тя ви́девши Цѣрковь на Крестѣ,/ Со́лнце Пра́ведное,/ ста в ч́ине своѣм,/ досто́йно взыва́ющи:// сла́ва си́ле Твоѣй, Го́споди.*

Божѣственною длáнию сохрáньшися от мучи́тельства вра́жия,/ пребы́сть я́же целомуд́рия храня́щи сож́ительница тво́я, взыва́ющи:/ сла́ва си́ле Твоѣй, Го́споди.

Напа́ствован и разли́чно искуше́н быв,/ мучени́че Хри́стов Евста́фие,/ и к свидѣтельства текл еси́ трѣзни́щу, вопия́ Влады́ще твоemú:/ сла́ва си́ле Твоѣй, Го́споди.

Направля́емь повелѣнием Влады́чним,/ мучени́чскими кровью́ украша́емь яви́лся еси́,/ приснопа́мятне Евста́фие сла́вне,/ со жено́ю и ча́ды твоими́.

Богоро́дичен: Неискусобра́чно родила́ еси́, о Де́во,/ и по Рождестве́ яви́лася еси́ де́вствующи па́ки./ Тем немол́чными гла́сы: ра́дуйся! Тебе́, Влады́чице,/ ве́рою несомне́нною зове́м.

Песнь 5

Ирмо́с: *О* **т**реблаже́нное Дре́во,/ на нёмже распя́ся Хри́стос, Царь и Госпо́дь,/ **и**мже паде́ дре́вом прельсти́вый,/ тобю́ прельсти́вся,/ Бо́гу пригвозди́вшуся Плото́ю, // пода́ющему мир душáм нáшим.

Тебе́, приснопѣтое Дре́во, на нёмже простре́ся Хри́стос,/ Еде́м храня́щее обраща́ющееся ору́жие, Кресте́, устыде́ся:/ стра́шный же Херувим уступи́ на тебе́ пригвожде́нному Хри́сту́,/ пода́ющему мир душáм нáшим.

Подзе́мных си́лы проти́вныя Крестá стра́хатся/ начертáема зна́мения на возду́се,/ по нему́же хо́дят Небесных и земноро́дных ро́ди,/ колéна преклоня́юще Хри́сту́,/ пода́ющему мир душáм нáшим.

Заря́ми нетле́нными явлься Божѣственный Крест/ омраче́нным язы́ком, заблужде́нным в прелести́,/ Божѣственный свет облиста́в,/ усво́яет на нем пригвожде́нному Хри́сту́,/ пода́ющему мир душáм нáшим.

Ин

Ирмос: Ты, Гóсподи, мой Свет, / в мир пришёл еси, / Свет Святы́й, обраща́й из мра́чна неведения // véрою воспева́ющая Тя.

Ты я́коже Иов явился еси́, Евста́фие, / ты, непоро́чен и благочестив, / долготерпели́вно жити́е обрёлся еси́ препла́вая.

Кто, блаже́нне, воспéти тво́я болéзни возмо́жет, Евста́фие, / я́же подъя́л еси́, / сопрúжницы, мучени́че, и дете́й лиша́емь?

Богорóдичен: О Ма́ти Бóжия, / ду́шй мое́я озлобле́ние исцели́, / ро́ждшая Всеблагóе Сло́во, вся благосты́нствующее.

Песнь 6

Ирмос: Вóднаго зве́ря во утробе / длáни Ио́на крестови́дно распротёр, / спаси́тельную Страсть прообража́ше я́ве. / Тем, тридне́вен изше́д, / преми́рное Воскресе́ние прописа́ше / Плóтию пригвожде́ннаго Христа́ Бóга // и тридне́вным Воскресе́нием мир просвеща́го.

Стáростию преклони́вся и недúгом отягчён, исправи́ся Иа́ков, рúце пременив, / де́йствие явля́я жизнóснаго Крестá: / ýбо ветхость за́коннаго сенóвнаго писания́ новописá на сем Плóтию пригвозди́выйся Бог / и душегуби́тельный недúг лéсти отгна́.

На ю́ныя возложив длáни божéственный Изра́иль, крестови́дно главы́ явля́ше, / я́ко старей́шая сла́ва, законослужи́тели лю́дие. / Тёмже, подмнёв́ся та́ко испрельсти́тися, не измени́ жизнóснаго о́браза: / превзы́дут бо лю́дие Христóвы Бóжии новоутвержде́ннии, / вопия́ху, Крестóм огражда́еми.

Ин

Ирмос: Пожру́ Ти со глáсом хвалéния, Гóсподи, / Цёрковь вопи́ет Ти, / от бесóвския крóве очи́щися / ра́ди мýлости от ребр Тво́их // истékшею Крóвию.

Явльша́гося ты Христа́ вожде́лел еси́, сла́вне, / и совокупи́лся еси́ Тому́ любóвию, / я́ко явился еси́, мучени́че, укра́шен, / багряницею тво́их кровей удобря́емь.

Потéкл еси́, последу́я Христóвым стопáм Божéственным, / и о́бщник показáлся еси́ Страстéй Тогó и Цáрствия, / всесовершенство́, вседомо́вно, мучени́че, венча́емь.

Богородичен: Глаголы Гавриила, Дѣво Всенепорочная, / нѣне имуща, вопиѣм: / радуися, едина Мати благословенная; / радуися, двѣре, Правды Сѡлнце имущая.

Кондак, глас 2.

Подобен: Вѣшних ищя:

Страсти Христовы яве подражав / и Сего испив усѣрдно чашу, / общник, Евстафие, и славы наследник был еси, / от Самаго всех Бѡга // приѣмля с высоты божественное оставленіе.

Икос:

Песнь мне даруй, Бѡже мой, / воспѣти и глаголати подвиги нѣне страсотѣрпца Твоего, Гѡсподи, / яко да благочинно восхвалю дѡбляго во страданіих Евстафія, / победителя в бранех вражиих бѣвша всегда, / великаго во благочестии, в лицѣ мучеников возсиявшаго, / с ними бо поѣт непрестанно Тебѣ со Ангелы, Всемудрый, / приѣмля с высоты божественное оставленіе.

Песнь 7

Ирмос: Безумное велѣние / мучителя злочестиваго люди поколебѣ, / дышущее прещеніе и злохуленіе богомерзкое; / обаче три ѡтроки не устраши ярость звѣрская, / ни огонь снѣдаяй, / но, противодышущу росонѡсному Духу, / со огнем суща, пояху: // препѣтый отцев и нас Бѡже, благословѣн еси.

От дрѣва вкусив, пѣрвый в человецех в тленіе вселіся: / отверженіем бо жизни безчестнейшим осудився, / всему роду телотленен некий яко вред недуга преподаде; / но, обрѣтше, земнороднии, воззваніе крестным Дрѣвом, зовѣм: / препѣтый отцев и нас Бѡже, благословѣн еси.

Разруши повелѣние Бѡжие преслушаніе, / и дрѣво принесѣ смерть человеком, / еже неблаговрѣменно причастно бѣвшее; / во утверждѣніе же зело честнаго / оттуду жизни дрѣво возбраняемо бе, / еже разбойнику злоумершу отвѣрзе, благоразумно зовущу: / препѣтый отцев и нас Бѡже, благословѣн еси.

Жезла объѣмлет край Иѡсифова, / бѣдущая зря, Израиль, / Царствія державное, / яко возымуществит преславный Крест, проявляя: / сей бо царей победоносная

похвалá и свет вéрою зовúщим:/ препéтый отцéв и нас
Бóже, благословéн есй.

Ин

Ирмós: *В пещй авраáмстии óтроцы персйдстей,/ любóвию благочéстия пáче,/ нéжели плáменем, опал-
ляеми, взывáху:// благословéн есй в хрáме слáвы
Твоея, Гóсподи.*

Яко в пещй, разжжéннаго волá мéднаго внутрь заклю-
чéни,/ мученицы Христóвы, благодарственно взывáсте:/
благословéн есй в хрáме слáвы Твоея, Гóсподи.

Закóном любвé я́ко соединéни и естества,/ едýно
терпéние, мученицы благослáвнии, стрáждуще, пока-
зáсте:/ благословéн есй, пою́ще, в хрáме слáвы Твоея,
Гóсподи.

Богорóдичен: *Вы́шшая Небéсных Божéственных Сил/
едýна от векóв Ты есй йстинно:/ Зиждйтеля бо сих
родилá есй несказáнно,/ Богородйтельнице, Всечйстая
Влады́чице.*

Песнь 8

Ирмós: *Благословйте, óтроцы,/ Трóицы равночйслен-
нии,/ Содéтеля Отцá Бóга,/ пойте снизшéдшее Слово,/ и
огнь в рóсу претвóршее,/ и превозносите всем жизнь
подавáющаго// Дýха Всесвятáго во вéки.*

Воздвизáему Дрэву,/ окроплéну Крóвию воплощ-
шагося Сло́ва Бóга,/ пойте, Небéсныя Сйлы;/ земных
воззвáние прáздную́ще, лóдие,/ поклонйтся Христóву
Кресту́,/ ймже мйру востáние во вéки.

Земнорóднии, длáньми, стрóителие благодáти,/ Крест,
на нэмже стояше Христóс Бог, возносите священно-
лéпно/ и копйе, Бóжия Сло́ва Тéло пробóдшее,/ да видят
язы́цы вси спасéние Бóжие,/ слáвяще Егó во вéки.

Божéственным судóм предызбрáннии, веселйтся/
христиáнстии вёрнии цáрие,/ хвалйтся победонóсным
орúжием,/ приёмше от Бóга Крест честный:/ в сем бо
колéна брáней, дёрзости йщуще,/ разсыпáются во вéки.

Ин

Ирмós: *Рúце распростёр, Данийл/ львов зйя́ния в
рóве затчé;/ óгненную же сйлу угасйша,/ добродéтелию
препоясавшеся,/ благочéстия рачйтели, óтроцы, взывá-
юще:// благословйте, вся дела́ Госпóдня, Гóспода.*

Свидетелей нелиживых лик совокуплен светло / законами естества и словом веры / вси благочестно ныне похвалим, / яко благочестия рачители, и верою воспойм: / благословите, вся дела Господня, Господа.

Красно соединитесь, честнии, / разделившися прежде Промыслом вящим, / вашими кровьюмь обагривше порфиру уневещения, / к Небесному чертогу теплетщася и вопиюще: / благословите, вся дела Господня, Господа.

Плод чрева благочестно Богу принесл еси, блаженне Евстафие, / и сопружницу радующуюся, / общники бо страдания от естества / Христу поющая приял еси: / благословите, вся дела Господня, Господа.

Богородичен: Жезл из корене Иессеева, Дево, была еси, / Цвет возрастивши, Всесильнаго Господа, / нас благовоинствующаго и воию Свою всем подающаго, вопиющим: / благословите, вся дела Господня, Господа.

Песнь 9

Ирмос: *Снедию древа роду прибывшая смерть / Крестом упразднися днесь, / ибо праматерняя всеродная клятва разрушися / Прозябением Чистыя Богоматере, // Юже вся Силы Небесныя величают.*

Горести убийственныя, яже от древа, не оставль, Господи, / Крестом бо сию совершенно истребил еси. / Сего ради и древом услади иногда гореть вод Мерры: / прообразующее Креста действо, / еже вся Силы Небесныя величают.

Непрестанно гужаемыя мраком праотца, Господи, / Крестом возвысил еси днесь, / яко бо лестию весьма неударжанно естество преднизведется, / всеродне ны паки исправи свет Креста Твоего, / егоже, вернии, величаем.

Да образ покажеш миру поклоняемый, Господи, Креста, / во всех яко преславный, на небесех изобразил еси, / светом безмерным озарен, / царю всеоружие непобедимое. / Тем Тя вся Силы Небесныя величают.

Ин

Ирмос: *Камень нерукосячный / от несекомыя горы, Тебе, Дево, / краугольный отсечется, / Христос, совокупивый разстоящая естества, // тем веселящися, Тя, Богородице, величаем.*

Весь во Свет Троицы с веселием прешёл еси, / ангельским воинством ныне срадуешься, мучениче Евстафие, / с нимиже непрестанно моли / всем спастися, поющим тя.

На земли твоя подвиги и обстояния различная, / сущее на Небесех веселие с праведными ныне прият, / егоже насладитися, славне, / тебе поющим сподоби.

Всего менё тебе приношу, мучениче Евстафие, усердно, / да тобою обогащуся представителем ко Владыце, / заступати могущим от всякаго обстояния, / и спасения божественнаго ходатаем.

Богородичен: Тя, неискусомужно рождшую Жизнодавца и Спаса, / вси молим прилежно, / Богородицу Тя исповедающе, / избавитися всякия скорби Твоими молитвами, Мати Дёво.

Светилен святаго.

Подобен: Духом во святйлице:

Безсмертныя славы и жизни безконечныя получил еси, / оставив мирския сласти, Евстафие блаженне, / с детьми богомудрыми и женою всеблаженною. / Сего ради любовью / всесвященную и божественную празднуем память твою.

Слава, и ныне, праздника:

Мы, о Тебе надеемся, Богородице, / сугубыя враги побеждаем всесовершенно, / Крест имуще Сына Твоего оружие наше и победу, / щит, меч, и копие, и стрелу на велиара.

На хвалитех стихиры на 4, глас 4. Самогласны.

Андрея Пирскаго.

Кто не ублажит твоего преблаженнаго нрава, Евстафие? / Яко доблественне подъял еси началозлобнаго врага прилоги, / сопружницы бо и чад лишение не тяжкотерпел еси, / но вопиял еси благодарственный глас Йовлев: / наг изыдох из чрева матери моей, / наг и отыду // к Единому Содетелю и Спасу душ наших.

Глас 6: Нетленнаго Рождества Мариина / сый, мучениче, обителище, / непрестанно пребывая во свете невещественне, / и нам благомилостивну твориши // Троицу Несозданную.

Глас 8: В неходный облак вшед/ и Правды Сольнцу присвоився,/ от высоты разумно явившуся,/ чрез животное Образу божественно прикоснувся,/ вдохновен образ был еси, всеблаженне Евстафие./ Тем от Духа и воды просветився,/ действием и мученической омывся кровию,/ Небесным сподобился еси сликовствовати ангельским собором,/ в нихже и нас присвой// Спасу Христу и Богу нашему.

Слава, глас тойже. Германово:

Воинствоначалие нижняго царства отложив,/ и на животнем Явившемся тебе,/ во образе Спаса нашего,/ ныне сликовствуеши горним/ с женою твоею и чады,/ всеблаженне Евстафие./ Тем молим Тя:// Господу молися о душах наших.

И ныне, праздника, глас тойже:

Егоже древле Моисей прообразовав собою,/ Амалика низложив, победи,/ и Давид песнопевец/ подножию Твоему, вопия, кланяться повелеваше,/ честному Кресту Твоему, Христе Боже,/ днесь, грешнии, кланяемся,/ устнами недостойными/ Тя, избволившаго пригвоздиться на нем, воспевающе, молимся:// Господи, с разбойником Царствия Твоего сподоби нас.

На стиховне стихиры, глас 2.

Подобен: Доме Евфрафов:

Днесь Крест Христов/ возвышается,/ живоносное Древо,/ на немже Плотию пригвоздися,// вся призывая.

Стих: Возносите Господа Бога нашего// и поклоняйтесь подножию ногу Его, яко свято есть.

Радуйся, верных/ хранение Божественное,/ необоримая стено,/ Кресте Господень,// имже от земли вознесохомся.

Стих: Бог же, Царь наш прежде века,// содела спасение посреде земли.

Приидите весело,/ целуим вси/ живоносное Древо,/ на немже разпрострися// Христос, Избавление.

Слава, глас 8:

Якоже Павел,/ звание не от человек прием, мучениче Евстафие,/ и возрастая в Бозе надеждою Креста,/ мучителей злочестивое и мук жестокое мужески посрамил

есї./ Тем и до крѡве противостáл есї ко греху,/ к невидимым врагом противоборствовав,/ и молишися непрестанно Царю и Бѡгу,/ даровати вселенней мир// и душам нашим велию милость.

И ныне, праздника, глас тойже.

Глас пророка Твоего Моисея, Бѡже,/ исполнися, глаголяй:/ узрите Живот ваш, висящ пред очесы вашими./ Днесь Крест воздвизается,/ и мир от лести свободдается,/ днесь Христово Воскресение обновляется,/ и концы земли радуются,/ в кимвалех давидски песнь Тебе приносяще и глаголюще:/ соделал есї спасение посреде земли, Бѡже,/ Крест и Воскресение,/ ихже ради нас спасл есї, Блаже и Человеколюбче,// Всесильне Господи, слава Тебе.

НА ЛИТУРГИИ

Блаженны праздника, песнь 8-я, на 4, и святого, песнь 6-я, на 4. Прокимен, глас 4: Святым, иже суть на земли Егѡ,// удивї Господь вся хотения Своя в них. Стих: Предзрѣх Господа предо мною вѣну, яко одесную менесть, да не подвижуся. Апостол к Ефесеем, зачало 233. Аллилуїя, глас 4: Возвѣаша праведнии: Евангелие от Луки, зачало 106. Причастен: Радуйтесь, праведнии, о Господе:

Святой великомученик Евстафий, который до принятия христианства носил имя Плакиды, был именитым римским полководцем. При императорах Тите и Траяне он одержал много великих побед и пользовался всеобщим почетом. Бог отметил его различными духовными дарованиями: еще будучи язычником, он был добр, сострадателен и милосерд к нищим и обездоленным.

Господь призвал его по великой Своей милости к свету христианской веры. Он явился Плакиде во время охоты на оленей. После видения Плакида с женой и сыновьями принял крещение от священника Иоанна. Он получил при этом имя Евстафий, супруга его – имя Феопистия и сыновья – имена Агапий и Феопист.

Евстафию было открыто, что ему предстоят великие страдания, подобные тем, какие некогда испытал праведный Иов. Действительно, вскоре после крещения святой Евстафий

полностью разорился, впал в крайнюю бедность и вынужден был покинуть Рим с женой и детьми. Сев на попутный корабль, они отплыли в Египет, но там его ожидали ужасные испытания. Начальник корабля похитил святую Феопистию, а детей Евстафия во время переправы через реку унесли дикие звери. Лишившись всего, святой Евстафий не возроптал на свою участь, но, предаваясь воле Божией, 15 лет трудился у местных жителей, выполняя работу сторожа.

Между тем Промыслом Божиим жена Евстафия была сохранена чистою, так как похититель ее был сразу наказан болезнью и смертью. Святая Феопистия получила свободу и жила честным трудом. Дети их тоже остались живы, так как пастухи и земледельцы отбили обоих детей у диких зверей; но воспитаны они были разными людьми и ничего друг о друге не знали.

В это время в Римской империи начались новые войны с соседними странами и император Траян, сокрушаясь, что у него нет полководца, равного Плакиде, поручил двум воинам, которые раньше служили Плакиде, – Акакию и Антиоху – повсюду искать исчезнувшего военачальника и привести его в Рим. Обходя разные страны, Акакий и Антиох пришли в селение, где в безвестности трудился их бывший полководец. Они встретили его, и, хотя Плакида не открылся им сразу, он был узнан по рубцам от прежних ран. С великим торжеством Плакида был доставлен в Рим. Император наградил его почестями и именем, назначил начальником над римским войском, и Евстафий-Плакида одержал блестящие победы над всеми врагами Рима. Возвращаясь с войны, он по милости Божией встретился со своей супругой и сыновьями, которые, как оказалось, служили в

его же войске, но не знали, что полководец – их родной отец. Тогда великая радость воцарилась в этой семье. С ними ликовали и все окружающие.

После императора Траяна на престол вступил гонитель христиан Адриан. Плакида был встречен им с большими почестями, но, когда открылось, что он христианин, его осудили на смерть вместе с женой и сыновьями. Сначала они были отданы на съедение зверям, но звери не коснулись святых; тогда все они были ввергнуты в раскаленного медного быка, где и предали свои святые души Богу. Это произошло в 118 году по Рождестве Христовом. Когда через три дня печь была открыта, то тела святых оказались совершенно неповрежденными, и даже волосы их не опалились. Народ с возмущением упрекал императора за то, что он убил такого славного вождя, и восклицал: «Велик Бог христианский!»

В
тойже
день



**Святых мученик и исповедник
благочестивого великого князя
Михайла Черниговского
и боярина его Феодора, чудотворцев**

НА ВЕЛИЦЕЙ ВЕЧЕРНИ

Блажен муж: 1-й антифон.

На Господи, воззвах: стихирь праздника 3 и святых 5, глас 4.

Подобен: Званный свѣшше:

Ярости царя богомерзкаго и христоненавистнаго/
никакоже убоявся, премудре Михайле,/ ни осла-
бѣл еси щадения ради живота,/ ни желанием царства,
егоже самовольне оставил еси,/ но Христа Единого
Бога исповедал еси:/ Тому Единому от души поклоня-
юся, рекл еси,/ и сладце умру за Умершаго мене ради./
Егоже моли, страстотерпче Михайле,/ со страдавшим с
тобою Феодором боярином, // спасти вас почитающия.

Пощади юность твою, мучитель рече,/ и поклонись мною желаемому богу, солнцу же и огню,/ да со

мною царствуеши./ Ты же, мучениче, рекл еси:/ да не будет мне, о пребеззаконниче, Христа отверщися/ и ложным богом твоим поклониться./ Что бо мне тобою претимая мука/ или настоящее житие/ противу будущего Царствия?/ Егоже получи́ти моли́, премудре Михайле с доблим Феодором боярином, // любовью вас непрестанно почитающим.

Царь богомерзкий и весьма отчужденный Бога/ покушашеся лестию, Михайле, / вас отвратить от веры сущия во Христа/ и ласкаными своими увещати тщашеся./ Глаголаше бо:/ аще поклонитесь со мною превожделенному моему богу, / славы мира сего со мною насладитесь./ Но надежды погрешив, / и в делех рук своих увязе грешник./ Молитвами, Христе, Твоих угодник/ такового безчеловечия избави души наша, // яко Един Милосерд и Человеколюбец.

Ины стихиры, глас 2.

Подобен: Терпяще мучения:

Претерпесте мучения болезни, / пролейте кровь, яко воду, / тем во страстех своих мног плод принесосте, / о пречудне Михайле и премудре Феодоре! / Христовы заповеди соблюдающе / и теми утверждающиеся, / учеными наставника своего, / змия злоначальнаго попрасте / и победными венцы увязостесь // от Христа, Бога и Спаса душ наших.

Солнца светлаго, Михайла, похвалим, / и лучу светлосолнечную, Феодора, почтим, / светильника пресветлая, сияющая зарями, оба крепкодушна, / законную веру правяща, / яко доброхрабра пострадаста, / первым мучеником подобящися, глаголаху:/ не поклонимся твари паче Творца, / но, мало претерпевше, / венцы светлыя приемем // от Христа, Бога и Спаса душ наших.

Коегождо смотряюще, Михайле, / устрашающихся мук, / и идущих сквозе огонь, и поклоняющихся солнцу, / к себе глаголасте:/ лучше нам есть, Феодоре, не ити сквозе огонь, / ни поклониться демоном славы ради тленные, / да вечнаго живота причастницы будем / с пострадавшими Христа ради / и с ними насладимся вечных благ // от Христа, Бога и Спаса душ наших.

Сла́ва, глас 6:

Аще и тьма́ми благ земных обеща́ешися/ да́ти ми и ца́рствие тле́нное,/ е́же и сам помале и не хотя́ оста́виши,/ страда́льче, рекл еси́,/ ника́коже Христа́ отмета́юся,/ но Еди́наго Того́ Творца́ Небесе́ и земли́ испове́дую/ и несомне́нно ве́рую./ Егóже моли́, страда́льцев похвалó Миха́йле/ с доблим Феóдором боля́рином, // спасти́ся душам любóвию вас почита́ющих.

И ны́не, пра́здника, глас то́йже:

Днесь Дре́во яви́ся,/ днесь род евре́йский поги́бе,/ днесь ве́рными ца́ри ве́ра явля́ется,/ и Ада́м дре́ва ра́ди испаде́,/ и па́ки Дре́вом де́мони вострепетáша:// Всеси́льне Го́споди, сла́ва Тебе́.

Вход. Прокі́мен дне. Чте́ния три.

Проро́чества Иса́иина чте́ние (глава́ 43):

Та́ко глаго́лет Го́сподь:/ вси язы́цы собра́шася вку́пе, и соберу́тся кня́зи от них./ Кто возвестит сия́ в них?/ Или́ я́же от нача́ла, кто слы́шана сотвори́т вам?/ Да приве́дут свидете́ли своя́, и оправда́тся,/ и да услы́шат, и да реку́т и́стину./ Буди́те Ми свидете́ли, и Аз Свидете́ль, глаго́лет Го́сподь Бог,/ и О́трок, Егóже избра́х./ Да позна́ете, и ве́руете Ми, и разуме́ете, я́ко Аз есмь,/ пре́жде Мене́ не бысть ин бог и по Мне не бу́дет./ Аз есмь Бог, и несть ра́зве Мене́ спаса́яй./ Аз возвестих и спаса́х; уничижи́х, и не бе в вас чу́ждий./ Вы Мне свидете́ли, и Аз Го́сподь Бог,/ и ещѐ от нача́ла Аз есмь, и несть от рук Мои́х избавля́яй./ Сотворю́, и кто отврати́т то?/ Си́це глаго́лет Го́сподь Бог, избавля́яй вас, Святы́й Изра́илев.

Премудро́сти Соломо́новы чте́ние (глава́ 3):

Пра́ведных ду́ши в руце́ Бо́жией, и не прико́снется их му́ка./ Непщевáни бы́ша во очесе́х безумных умре́ти, и вмени́ся озлобле́ние исхо́д их./ И е́же от нас шестви́е сокруше́ние, о́ни же суть в ми́ре./ Ибо́ пред лицѐм челове́ческим а́ще и му́ку при́мут, упова́ние их безсме́ртія испо́лнено./ И вмале́ нака́зани бы́вшие, вели́кими благоде́тельствова́ни бу́дут,/ я́ко Бог иску́си я и обре́те их досто́йны Себе́./ Я́ко зláто в горни́ле, иску́си

их и, яко всеплóдие жéртвенное, прíят я./ И во время посещéния их возсияют и, яко йскры по стéблию, потекúт./ Сúдят язýком и обладаúют людъмí, и воцарíтся Госпóдь в них во вéки./ Надéющиися Нань разумеúют йстину, и вёрнии в любви пребúдут Емú./ Яко благодáть и мýлость в преподóбных Егó, и посещéние во избрáнных Егó.

Премúдрости Соломо́новы чтéние (глава́ 4):

Праведник, áще постíгнет скончáтися, в покóи бúдет./ Стáрость бо честнá не многолётна, ниже́ в числé лет исчитáется./ Седíна же есть мýдрость челове́ком, и вóзраст стáрости житиé несквёрное./ Благоуго́ден Бóгови быв, возлю́блен бысть, и живы́й посреде́ грéшник престáвлен бысть./ Восхищён бысть, да не злóба изменít рáзума егó, или́ лeсть прельстít дúшу егó./ Рачéние бо злóбы помрачáет дóбрая, и парéние пóхоти пременя́ет ум незлóбив./ Скончáвся вмáле, испóлни лéта дóлга. Угóдна бо бе Гóсподеви душá егó, сегó рáди потщáся от среды́ лукавствия./ Лю́дие же ви́девшие и не разуме́вшие, ниже́ полóжше в помышлéнии таково́е./ Яко благодáть и мýлость в преподóбных Егó, и посещéние во избрáнных Егó.

На стихóвне стихи́ры, глас 2.

Подóбен: Кíими похва́льными:

Кíими мýдрыми словесы́/ ублаж́им Христóва страдáльца,/ непобедíма крéпостию, Михай́ла, твёрдаго душею́,/ страны́ нашея украшéние и всея́ земли́ просвещéние,/ и Феóдора, советника́ блага́го по благочéстию?/ Имже́ досто́йную сла́ву дарова́ Христóс, Бог наш, // имéяй вéлию мýлость.

Стих: Воззва́ша праведнии, // и Госпóдь услы́ша их.

Кíими, смире́ннии, устна́ми/ восхва́лим целомúдренныя великомúченики,/ Михай́ла с Феóдором,/ оста́вльшия земна́я и послéдовавшия Христú?/ Ов úбо мучéния страдáнием,/ ов же крóвию зéмлю освящáют/ и не престаúют моля́ще Христá // дарова́ти нам вéлию мýлость.

Стих: Мнóги скóрби праведным, // и от всех их избáвит я Госпóдь.

Кѣими, земнии, устнами/ возвеличим многопѣтаго Михайла крѣпкаго/ и Феодора доблественнаго,/ положших души заповеди ради Божественныя?/ Ов бо смерти подобяся Владычней,/ ов же ревностию разгараюся,/ ихже венча Христос, Бог наш, // имей велию милость.

Слава, глас 8:

Доброютою подвигом своих украсившися/ и от кровей своих одеяние носяще, святѣи,/ темже яко пресветлая светила/ в мире явльшися Духа благодатию,/ просвещающе отечество ваше,/ благочестивыя и княжеския отрасли,/ страсотерпче и исповѣднице Христов Михайле,/ купно с Феодором,/ пред лицем Господним с мученики всегда предстояще,/ молитесь спастися душам нашим, // любовью благочестно совершающих память вашу.

И ныне, праздника, глас тойже:

Глас пророка Твоего Моисея, Бже,/ исполнися, глаголяй:/ узрите Живот ваш, висящ пред очесы вашими./ Днесь Крест воздвизается,/ и мир от лести свободяется,/ днесь Христово Воскресение обновляется,/ и концы земли радуются,/ в кимвалех давидски песнь Тебе приносяще и глаголюще:/ соделал еси спасение посреде земли, Бже,/ Крест и Воскресение,/ ихже ради нас спасл еси, Блаже и Человеколюбче, // Всесильне Господи, слава Тебе.

Тропарь, глас 4:

Жизнь вашу мученически совершивше,/ исповѣдания венцы украсившися, к Небесным востекосте,/ Михайле премудре с доблим Феодором,/ молитесь Христа Бога/ сохранить отечество ваше,/ град же и люди, // по велицей Его милости.

Ин тропарь, глас 3:

Блаженнии апостолом равночестнии,/ прияли есте венец от Христа,/ занеже того достойни,/ Михайле богомудре и Феодоре дивне,/ мир миру испросите // и душам нашим велию милость.

Слава, и ныне, праздника.

НА УТРЕНИ

Тропа́рь пра́здника, два́жды. Сла́ва, святы́х. И ны́не, пра́здника.

По 1-м стихосло́вии седа́лен пра́здника, глас 7:

Церковь вопи́ет Ти, Христе́ Бо́же, / в пѣвке и ке́дре и кипари́се, покланя́ющися Тебе́: / победы́ лю́дем Твои́м Богоро́дицею да́руяй, поми́луй нас.

Сла́ва, и ны́не, то́йже.

По 2-м стихосло́вии седа́лен, глас 4:

Крест Твой, Го́споди, я́ко свет сия́я, / те́мная ополче́ния отгоня́ет / и ве́рныя просвеща́ет, пою́щия: / Крест есть ми́ру похвала́.

Сла́ва, и ны́не, то́йже.

По полиеле́и седа́лен, глас 4:

И́же А́нгелов равноче́стны венцы́ от Христа́ прия́сте, / за Него́же пострада́сте, Миха́йле богому́дре и Феодо́ре предивне, / мир ми́ру испроси́те и душа́м на́шим ве́лию ми́лость.

Сла́ва, и ны́не, пра́здника.

На полиеле́и велича́ние му́ченическое.

И́но велича́ние:

Велича́ем тя, / благове́рный кня́же Миха́йле, и с боля́рином твои́м Феодо́ром, / и чтим святу́ю па́мять ва́шу, / и́же за Христа́ кровь свою́ излия́сте // и ны́не мо́лите за нас Христа́, Бо́га на́шего.

Степе́нна, 1-й антифо́н 4-го гласа. Прокі́мен, глас 4: Возва́ша пра́веднии, // и Госпо́дь услы́ша их. Стих: Мнóги ско́рби пра́ведным, и от всех их изба́вит я Госпо́дь. Ева́нгелие от Матфе́я, зача́ло 36.

По 50-м псалме́ стихі́ра, глас 8:

Власть земну́ю / и ца́рство до́льнее оста́вив, / потща́лся еси́ прии́ти к Царю́ Вседержи́телю, Христу́ Бо́гу, / всехва́льне Миха́йле / с Феодо́ром му́дрым, пострада́вшим с тобо́ю, / и поко́я доидо́сте Небе́снаго, / и ны́не почи́ваете у пра́отца Авраа́ма. / Тем о нас мо́литесь ко Царю́, Влады́це на́шему, / я́ко да ми́лостив бу́дет нам

в день страшнаго Егó Пришэствія, // ва́шу творя́щим пресвѣтлую па́мять.

Канон прázдника на 6.

И святыхъ два канона на 8. Творение негли иеромонаха Святыхъ Горы Пахомия, кроме Богородичнов. Глас 4.

Песнь 1

Ирмос: *Моря чермную пучину / невлажными стопами / древний пешешествовав Израиль, / крестообразными Моисеовыма рукама // Амаликову силу в пустыни победил есть.*

Твоими молитвами, страстотерпче Михайле, / благодать мне и просвещение с Небесé даруй, / яко да возмогу похвалити доблести и страдания твоя.

Божественным желанием разжигаемъ, Михайле святе с Феодором болярином, / паки к вашему Отечеству возвращаетесь, / идеже мучения венцы от десницы Вѣшняго приясте; / изрядно поминайте вас почитающих.

Царствия вѣчнующаго и никакоже мимотекущаго воспомина́я наслажде́ние, святе, / царство земно́е преобиде́в, и вмѣсто ски́птра крестъ взя́л еси́, / и самозва́н к подви́гом устремі́лся еси́, / купно со страда́вшим с тобо́ю Феодо́ром боляри́ном.

Богородичен: Святыхъ Святѣйшая была еси́, Дево Чистая, / святыхъ Святаго на руку Христа носивши, / Божественною силою тварь содержащаго.

Ин канон святыхъ, глас 8.

Песнь 1

Ирмос: *Воду прошед, яко сушу, / и египетскаго зла избежав, / израильтянин вопияше: // Избавителю и Богу нашему поим.*

Посли́ мне, Го́споди, оставле́ние мно́гих мои́х согреше́ний / и сло́во мне да́руй, / да с ра́достию возмо́гу похва́лити Тя, / просла́вльшаго свята́я Твоя́ мученики.

Песнь возслѣм, благочестивии, / целомудренным смыслом / Михайла славнаго и Феодора благочестиваго, / купно оба, славяще.

Благорóдства дар от Бóга приём, / благочéстие душéвное возлюбív, / пáче же и целомúдрие, / и добродéтельми удобряяся, Михаýле.

Богорóдичен: Прокля́ся смерть Тобóю / и áдово жа́ло притупи́ся, Ма́ти Чýстая, / Ты бо Безсмéртнаго Влады́ку / плóтию мýру родила́ еси́.

Катава́сия пра́здника: Крест начертáв:

Песнь 3

Ирмо́с: *Весели́тся о Тебе́ Цéрковь Твоя́, Христé, зову́щи: / Ты моя́ крéпость, Го́споди, // и прибéжище, и утверждéние.*

Яря́ся, зверь нечестíвый уби́ти вас повелева́ет, / сегó сквёрным повелéнием повинúться не хотя́щих, / и твáри пáче Творца́ не послужи́те, но Христú вопия́те: свят еси́, Го́споди.

Любóвию твоего́ Влады́ки снеда́емь быв, Михаýле, кúпно с Феóдором боля́рином, / ничто́же земна́го вмени́те и Того́ желáнием мучéния ча́шу испи́те усéрдно, / Христú вопию́ще: свят еси́, Го́споди.

Самозва́н от дáльных стран отéчество твое́ пришéд посети́ти / и злоимени́таго царя́ богобо́рную прéлесть обличи́ти, / от него́же пострада́в, жéртва Бóгу прине́слся еси́.

Богорóдичен: Возста́вила еси́, Чýстая, / па́ки па́дший мой о́браз, / рóждшая Винóвнаго пáче естéственного Воскресéния.

Ин

Ирмо́с: *Ты еси́ утверждéние / притека́ющих к Тебе́, Го́споди, / Ты еси́ Свет омрачénных, // и поёт Тя дух мой.*

Всю мысль ва́шу ко Христú, мýдрии, возложите / и, я́ко бра́тнею совоку́пльшеся любóвию, / благочéстно сконча́те течéние.

Многолётни úбо тéлом, душа́ми же совершéни, святи́и, / я́ко благочестíвии óба, / Бóга возлюбíли естé и й́долом не поклони́теся.

Сла́ву возненави́дете мимотекúщую и тлénную / и добродéтельны яви́теся сосúди, сла́внии, в жити́и ва́шем.

Богорóдичен: Тя вси й́мамы прибéжище и стéну на́шу, христиáне, / и Тя сла́вим немóлчно, Ма́ти Безне́стная.

Конда́к и ѿкос пра́здника.

Та́же седа́лен святы́х, глас 1.

Подобен: Ка́мени запеча́тану:

Ка́мение твёрдо яви́стеся/ и непреборими бы́сте мучи́телей преще́нием,/ Миха́йле сла́вне и Феодо́ре премудре./ Сего́ ра́ди росси́йстии собо́ри вопи́ют ра́достно:/ сла́ва Укре́плъшему вы,/ сла́ва Венча́вшему вы,/ сла́ва Просвещ́шему ва́ми весь мир.

Сла́ва, и ны́не, пра́здника, глас 8.

Подобен: Повеле́нное та́йно:

Прообража́ше та́инственно дре́вле Иису́с Нави́н Креста́ образ,/ егда́ ру́це простре́ крестови́дно, Спа́се мой,/ и ста со́лнце, до́ндеже враги́ низложи́, противосто́ящия Тебе́, Бо́гу;/ ны́не бо за́йде, на Кресте́ Тя зря,/ и, держа́ву сме́ртную разруши́в,/ весь мир совозди́гл еси́.

Ин

В рай мя пре́жде дре́во обнажи́ вкуше́нием, врага́ внес ме́ртвость,/ Дре́во же крестное, живото́у одея́ние чело́веком нося́,/ водрузи́ся на земли́, и мир весь испо́лнися вся́кия ра́дости./ Егóже зря́ще возно́сима,/ Бо́гу ве́рою, лю́дие, согла́сно зове́м:/ испо́лнь сла́вы храм Твой.

Песнь 4

Ирмо́с: *Вознесе́на Тя ви́девши Це́рковь на Кресте́,/ Со́лнце Пра́ведное,/ ста в чи́не своём,/ досто́йно взыва́ющи:// сла́ва си́ле Твоёй, Го́споди.*

Богоме́рзкаго и злочестива́го царя́ непра́ведна/ и лука́вейша па́че всея́ земли́ безбо́жную ве́ру укори́сте,/ и, лю́таго де́мона обли́чивше преле́сть,/ я́ко а́гнцы, за Христа́ закла́ни бы́сте,/ и, я́ко со́лнце, по кончи́не просия́ли естé.

Усты́ светлыми витий́ствуя,/ испове́дал еси́ благо́честно Еди́наго Бо́га, Миха́йле, с пострада́вшим с тобо́ю Феодо́ром;/ и сего́ ра́ди злочестивы́й царь, не терпя́,/ повелева́ет уби́ти вас, на са́мей кончи́не Христа́ испо́ведающия.

О я́рости царя́ злочестива́го и непра́веднаго уби́ения!/ О терпéния непобеди́мых страда́лец!/ И́же по ве́ре до́бре подвигше́ся, Христу́ вопия́ху:/ сла́ва си́ле Твоёй, Го́споди.

Богорóдичен: Неискусобра́чно родила́ еси́, о Дéво,/ и по Рождествé явила́ся еси́ дéвствующи па́ки./ Тем немóлчными глáсы: раду́йся, Тебé, Влады́чице,/ véрою несомнѣнною вопи́ем.

Ин

Ирмос: Услы́шах, Гóсподи,/ смотре́ния Твоего́ та́инство,/ разумѣх дела́ Твоя́// и просла́вих Твое́ Божество́.

В немра́чном зерка́ле,/ Божéственных умóв си́лою Бóжиею укрепивше́ся,/ я́ко со́лнце просвети́стеся, Миха́йле с Феóдором.

Мра́чным не принесóсте жéртвы дéмоном, мученицы непобедими́и,/ Светода́вца же Бóга возлюбите́,/ по благоче́стии изво́ливше смерть.

Исцелите́, прехва́льнии, ду́шй мое́й болéзни,/ Христу́ Бóгу моля́щеся,/ и утиши́те молит́вами ва́шими ду́шй мое́й мятéж.

Богорóдичен: Бóгу, Егóже родила́ еси́, Пречи́стая Мари́е,/ Тому́ помолі́ся,/ éже рабóм Твои́м подáти прегрешéний оставлѣние.

Песнь 5

Ирмос: Ты́, Гóсподи, мой свет,/ в мир пришéл еси́,/ Свет Святы́й, обраца́яй из мра́чна неведѣния// véрою воспевáющия Тя́.

Дивлю́ся, о царю́, твоему́ безумію и сýетному глаго́лу,/ исповѣдниче Миха́йле, рекл еси́, и с благо́рдным Феóдором:/ твáри па́че Творца́ ника́коже да бóдет нам покланя́тися,/ она́ бо челове́ка ра́ди сотворѣна е́сть.

Злочестивы́й он законопресту́пный Дóман, я́же пѣрвее véры христиáнскаго отвѣргся́,/ не терпя́ твоего́ исповѣдания́, зле огорчи́ся,/ ножéм отрѣзует главу́ твою́ честную́,/ исповѣдниче Хри́стов Миха́йле.

А́ще честна́я свята́я телеса́ ва́ша и небрего́ма пребы́ша/ от кровоя́дец óнех, повер́жена псом на снѣде́ние,/ но Бог соблюда́ше óная/ и столпо́м óгненным осиява́ше, пресвѣтлыми заря́ми.

Богорóдичен: Бог в Тя́, Богома́ти, вселі́ся,/ челове́ка назидáя,/ во тлю па́дшаго прѣлестию змѣя́.

Ин

Ирмос: У́треннюю́ще, вопи́ем Ти:/ Гóсподи, спаси́ ны,/ Ты́ бо еси́ Бог наш,// ра́зве Тебé ино́го не ве́мы.

Па́че живота́ за Христа́ пострада́ти изво́листе, / мучени́че Миха́йле с блаже́нным Феодо́ром, / и с Ним ца́рствуете при́сно.

Помышля́ше мучи́тель увещати́ вас, / прельсти́ти хотя́ тле́нную сла́вою, / но, Бо́жиею си́лою укрепивше́ся, посрами́сте его́.

Да́руйте просвеще́ние и мир, прехва́льнии, ми́ру / и разреши́те моли́твами ва́шими грехопаде́ния на́ша.

Богоро́дичен: Де́ву по Рожде́ствé поём Тя, Богоро́дице, / Ты бо Бо́жие Сло́во плоти́ю ми́ру родила́ еси́.

Песнь 6

Ирмо́с: *Пожру́ Ти со гла́сом хвалéния, Го́споди, / Це́рковь вопиéт Ти, / от бесо́вския кро́ве очи́щши́ся, / ра́ди ми́лости от ребр Твои́х // истéкшею Кро́вию.*

Недово́лен злочести́вый быв мучи́тель о убиéнии благочести́ваго Миха́йла, / покуша́ше́ся и страда́льца Феодо́ра ле́стною увещати́: / а́ще бо, рече́, бого́м моим покло́ниши́ся, со мно́ю во сла́ве бу́деши / и имене́нию господи́на твоего́ наследник бу́деши.

Мне да не бу́дет, о царю́ пребеззаконне, / Христа́ отрещи́ся и ло́жным твоим бого́м поклони́тися, / мне бо е́же жи́ти Христос / и е́же умре́ти за Него́ приобре́тение.

От юности́ жити́е твоё чи́сто яви́ся / Пресвята́го Ду́ха дарова́нием, Феодоре, / посредé бо злочести́вых мучи́телей твоему́ господи́ну поборник был еси́ / и с ним на Небесéх при́сно весели́ши́ся.

Богоро́дичен: Изли́я пёрвее яд во у́ши Е́вины змий вселука́вый, / Ты же сегó едина́ оттрясла́ еси́, Богома́ти, / Истреби́теля сему́ рождши́.

Ин

Ирмо́с: *Очи́сти мя, Спа́се, / мно́га бо беззакония́ моя́, / и из глубины́ зол возведи́, молю́ся, / к Тебе́ бо возопи́х, и услы́ши мя, // Бо́же спасéния моего́.*

Тьма нареко́шася сы́нове Ага́рины, / молéния к Бо́гу вам принося́щим, / ножём главы́ ва́ша отреза́ша, / ходата́и венце́м ва́шим, Миха́йле, Божéственным б́вше.

Победи́ли естé мучи́телеву горды́ню, преблаже́нии: / того́ ра́ди псом на снeдь / помета́ема б́вша теле́са ва́ша, / но сохранéна б́вша Бо́жиею благода́тию невредна́.

Единогласно, сошедшеся, воспойм/ память благо-
честиваго князя, в Россіи возсіявшаго:/ радуйся,
глаголюще, обрадованный от Господа,/ Егѡже непре-
стѣнно моли от тли избавити жизнь нашу.

Богородичен: Уясняют пророчестии гласи Божію
Родительницу,/ поем же Тя и мы и молим,/ видяще
сбытіе честных прорицаний,/ Бога бо истинно и
чистоты вместилище была еси.

Кондак, глас 8.

Подобен: Вбранной Воеводе:

Царство земное в ничтоже вменив,/ славу, яко
преходящую, оставил еси,/ самозван пришед к
подвигом,/ Троицу проповедал еси пред нечестивым
мучителем,/ страстотерпче Михайле с доблим Феодо-
ром,/ Царю Сил предстояще,/ молитесь без вреда со-
хранити Отечество ваше, град же и люди, // да вас
непрестанно почитаем.

Икос:

Кто подвиги ваша и болезни возможет извещати,
страстотерпцы,/ яже мужески претерпесте за веру
Господню?/ И дарований, ихже сподобистесь, не довле-
ют уста человеческая исповедати./ Премудростию бо
украшени и мужеством,/ богатство и славу привремен-
ную возненавидесте,/ Михайле славный, и с пострадав-
шим с тобою дивным Феодором,/ с ним не разлучитесь
на земли и на Небеси./ Тем молитесь без вреда сохранить
Отечество ваше, град же и люди,/ да вас непрестанно
почитаем.

Ин кондак, глас 2.

Подобен: Твердыя:

Верую укрепльшесь, святїи, мучения претерпесте/
и кровью своими погасите пламень сопротивных
безбожия,/ Христа же исповедаете, с Отцем и Духом, //
Михайле и Феодоре, Егѡ молитесь за всех нас.

Ин кондак, глас 2:

Вышних ищущи, нижняя оставили есте,/ колесницу
на Небеса кровь свою сотворили есте,/ тем собесѣд-
ницы первомучеником бысте,/ Михайле и Феодоре, //
с нимиже Христа Бога моляще непрестанно за вся ны.

Ин конда́к, глас 3:

Яко свети́ла, в Русі возсия́вше, / муче́ния луча́ми
сла́вными отрази́те, / страстоте́рпцы сла́внии,
Миха́йле и Феодо́ре, / тем вопия́те: // ничто́же нас
отлучи́т от любве́ Христо́вы.

Песнь 7

Ирмо́с: *В пещи́ авраа́мстии о́троцы перси́дстей, /
любо́вию благоче́стия па́че, / неже́ли пла́менем, опа-
ляеми, взыва́ху: // благослове́н еси́ в хра́ме сла́вы Твоея́,
Го́споди.*

Ни любви́ сопружни́цы, ни ча́д разлуче́нию внима́л
еси́, / но сия́ вся в ру́ки преда́в Бо́жия, / я́ко Творца́ и
Промы́сленника́ всех, вопия́л еси́: / благослове́н Бог
отце́в на́ших.

Поревнова́в му́жеству прэ́жде бывши́х му́чеников, /
тех блаже́нство и сла́ву получи́л еси́, / достохва́льне
Миха́йле, купно́ с Феодо́ром, вопию́ще: / благослове́н
Бог отце́в на́ших.

Богоро́дичен: *Вы́шняго освяще́нное Боже́ственное
селе́ние, ра́дуйся, / Тобо́ю бо даде́ся ра́дость, Богоро́дице,
зову́щим: / благослове́нна Ты в жена́х еси́, Всенепоро́ч-
ная Влады́чице.*

Ин

Ирмо́с: *От Иуде́и доше́дше, о́троцы / в Вавило́не ино-
гда́ / ве́рою трóическою пла́мень пещны́й попра́ша,
пою́ще: // отце́в Бо́же, благослове́н еси́.*

Прииди́те, росси́йстии собо́ри, / богоизбра́нное ста́-
до днесь воспо́йм пэ́сньми, / похваля́юще му́ченики
Христо́вы, Миха́йла с Феодо́ром, благоче́стно пою́ще: /
отце́в на́ших Бо́же, благослове́н еси́.

Оста́вил еси́ земно́е ца́рство и любве́ жены́ отвра-
ти́лся еси́ / и дете́й ласка́ния, му́чениче Миха́йле, /
взира́я на высоту́ к Творцу́ твоему́, вопия́л еси́: / отце́в
на́ших Бо́же, благослове́н еси́.

Во́инством духо́вным препоя́савше́ся, Миха́йле
всече́стне и Феодо́ре прехва́льне, / земно́е бога́тство
оста́вльше, / на Небесе́х победны́я венцы́ от Христа́
прия́те, зову́ще: / отце́в на́ших Бо́же, благослове́н еси́.

Богоро́дичен: *Чертóг Тя, Пречи́стая, Сло́ва вопло-
ще́ния / и престо́л и ло́жницу правому́дрствующе*

именуем/ и веселящиеся пойм:/ отцев и нас Бóже, благословен еси.

Песнь 8

Ирмос: Руце распростер, Данийл/ львов зияния в рове затче;/ огненную же силу угасиша,/ добродетелию препоясавшися,/ благочестия рачители, отроцы, зывающе:// благословите, вся дела Господня, Господа.

Взира́л еси на воздаяния, сущая на Небесех, всечестне,/ яже любящим Христос предуготова/ и вопиющим Ему от души:/ благословите, вся дела Господня, Господа.

Божественная мученик страдания воистину превзыдоша похваления,/ паче слова и помышления,/ яко тленным телом безплотныя враги победиша, вопиюще:/ благословите, вся дела Господня, Господа.

Непоколебимъ в подвизах пребыл еси,/ паче же нечестивых сердца поколебал еси, видевших тя непреклонна,/ святе Михайле, купно с Феодором вопиюща:/ благословите, вся дела Господня, Господа.

Богородичен: Таинство странно, истинно, под солнцем едина показала еси,/ Бога бо родила еси, Чистая,/ Невидимаго и Безначальнаго, Невместимаго, всем Непостижимаго, Емуже вопием:/ благословите, вся дела Господня, Господа.

Ин

Ирмос: Седмерицею пещь/ халдейский мучитель/ богочестивым неистовно разжже,/ силою же лучшею спасены сия видеви,/ Творцу и Избавителю вопияше:/ отроцы, благословите,/ священницы, воспойте,// людие, возносите во вся веки.

Не насытишася крове ваша погани, / но и главы ваша ножем отрезаша, / не устыдевшися, Михайле, благородия и воспитанных во благочестии, / но благодать Божия храняше вас чрез Ангела. / Тем с Феодором ликуеши, вопия: / дети, благословите, священницы, воспойте, / людие, возносите Его во веки.

Прославляя святых Своих мученики, Господь / столп огнен яви над телесы их, яже сияющь нощию. / Того видевши к друг другу глаголаху: что сие преславное видение? / И проповедаша всем Христа, сохраньшаго

Своѣ угодники, вопиюще:/ дѣти, благословіте, священницы, воспойте,/ людіе, превозносите Его во веки.

Прославляем Тя, Отче и Сыне и Святый Душе, со Ангелы зовуще трисвятими гласы, Трисолнечное Божество:/ прими за ны молящую Тя святую двоицу, Михайла с Феодором,/ поющую Тебе непрестанно:/ дѣти, благословіте, священницы, воспойте,/ людіе, превозносите Его во веки.

Богородичен: Света сосуд явившися, Чистая, просвети мя/ и в повелении Света ходити ми поспеши, Чистая,/ от чрева Твоего возсиявша, просветивша верных сердца, поющих:/ дѣти, благословіте, священницы, воспойте,/ людіе, превозносите Его во веки.

Песнь 9

Ирмос: Камень нерукосечный/ от несекомыя горы, Тебе, Дѣво,/ краеугольный отсечеса,/ Христос, совокупивый разстоящаяся естества.// Тем веселящися, Тя, Богородице, величаем.

Приидите, чистым сердцем и трезвою совестью/ великомученика Михайла с советником крепким Феодором/ паче злата светящася зряще, величаем.

Светлая ваша, пребогати, победная храброствия на враги/ видеВ Всевидящее Око, подвиги ваша/ венцы одоления венчает Спас душ наших.

Божинства Ангелов удившася,/ мучеников же лица и праведных собори согласно похвалиша Христа,/ такое терпение вам даровавшего.

Непобедимая честная мученик двоица, на Небесех живущи,/ певцы своя поминай, совершающих во хвалении священная ваша страдания,/ вас непрестанно величающих.

Богородичен: Земля избавися от клятвы древня Рождеством Твоим./ Темже Тя, Богородительнице, величаем.

Ин

Ирмос: Ужасеся о сем Небо,/ и земли удившася концы,/ яко Бог явися человеком плотски,/ и чрево Твое бысть пространнейшее Небес./ Тем Тя, Богородицу,// Ангелов и человек чиновачалия величают.

Положени бысте на земли, яко мертвии, но в Небесная преселистеса./ Тем дерзновения исполнитеса,

сла́внии,/ врагú погáному восхотéвшу поругáтися телесéм вáшим,/ но стрáхом Госпóдним отгнáсте, блажéннии.

Торжествó úбо Миха́йла пáче со́лнца просветíся во всех странáх,/ и Феóдора предóбляго,/ Церквéй украшéние страдáния вáша, мучеников сла́ва,/ и архиере́ев похвалá, и христиáн утверждéние.

Шу́яго мя стоя́нния избáви на Судé, о Трóице Святáя,/ и облегчí ми страстéй волнéния,/ и к пристáнищу непотоплéна приведи́ мя, моли́твами святýх мученик,/ да Тя непрестáнно велича́ем.

Богорóдичен: О, чудесé, пребóльша умá!/ Чúдо вéлие йстинно и пресла́вно,/ кáко вместíся во утрóбу Твою́ Бог, ника́коже вместíмый?/ Егóже о хвáлящих Тя умоли́, Дéво,/ от бед избавля́ющи и от беззакóнных враг всегдá.

Светíлен:

Да просла́вим вси Бóга,/ просла́вльшаго святýя Своя́ великомученики,/ Миха́йла кúпно с Феóдором,/ тii бо пострада́ша за Христá, и венцы́ от Него́ прия́ша,/ и ны́не, в вýшних предсто́яще, о ми́ре мо́лятся.

Сла́ва, и ны́не, пра́здника.

На хвалíтех стихíры на 4, глас 4.

Подóбен: Дал еси́ зна́мение:

Дал еси́ зна́мение/ Цéркви Твое́й, Христé, великомученик,/ Миха́йла кúпно и дóбляго Феóдора,/ Тя возлюбíвших,/ все́ми Владúщаго,/ чíстым сéрдцем и душе́ю совершéнною,/ обо́их побóрников вéры/ и исто́чник чудéс, // сокрушíвших дéмонская ополчéния.

От ко́рене изрáсл еси́ честнáго,/ Миха́йле блáгорóдне,/ йстину возлюбíв,/ и нетлéнный Христóв избóлил еси́ живóт/ и Цáрство нерушíмо,/ с Феóдором дíвным закóнно пострада́вше,/ и венцы́ от Него́ побéды прия́сте,/ мученицы святii // и моли́твенницы о душа́х нáших.

Зáповеди учíтеля вáшего соблю́дше,/ не повелéвшаго вам дéмоном поклонíтися,/ Христóв испóлните закóн/ и Того́ повелéния:/ земнúю сла́ву в ничтóже вмени́сте,/ небрэгше повелéния царéва,/ твáри повелева́ющаго поклонíтися./ Миха́йле, похвалó россíйская, с Феóдором сла́вным, // моли́тесь о душа́х нáших.

Слава, глас 8:


Да веселится радостию все челове́чество днесь, / и да ликуют новоизбраннии лю́дие, / похваляюще страсто-
тёрпца вели́каго князя Михай́ла, / кúпно с боляри-
ном его́, до́блím Феодором, / к нимъ сѣце глаго́люще: /
ра́дуйтесь, яко Христа́ испове́дасте, / диаво́ла же обли-
чи́сте; / ра́дуйтесь, яко мучи́теля безбо́жнаго посрами́-
сте; / ра́дуйтесь, яко вку́пе пострада́сте / и вку́пе Трои́це
предстои́те, // моля́щеся всегда́ спасти́ся душа́м на́шим.

**И ны́не, пра́здника. Глас проро́ка Твоего́: пи́сан на
стихо́вне ве́чера.**

Славосло́вие вели́кое, и отпу́ст.

НА ЛИТУРГИИ

**Блаже́нны пра́здника, песнь 8-я, и святы́х, песнь 3-я. Прокі-
мен, глас 4: Святы́м, ѿже суть на земли́ Его́, // удиви́ Госпо́дь вся
хотѣния Своѧ в них. Стих: Предзрѣхъ Го́спода предо мною́ вы́ну,
яко одесну́ю мене́ есть, да не подви́жуся. Апóстолъ ко Ефесѣемъ,
за́чало 233. Аллилу́ія: Воззва́ша пра́веднии, и Госпо́дь услы́ша
их. Ева́нгелие от Иоáнна, за́чало 52. Прича́стен: Ра́дуйтесь, пра́-
веднии, о Го́споде:**



**Благоверный князь Михаил Чер-
ниговский** († 1245), отец преподобной
Евфросинии Суздальской, был звер-
ски убит 20 сентября 1245 года в Орде
за отказ пройти сквозь «священный»
обрядовый огонь перед ставкой хана
и поклониться языческим идолам.
Вместе с ним был замучен и его лю-
бимый **боярин Феодор**. Служба этим
святым так передает ответ князя
Михаила хану Батыю, который
обещал ему в случае повиновения
сохранение жизни и всевозможные
почести: «Да не будет мне, о пребез-
законниче, Христа отвергнися и лож-
ным богом твоим поклонитися. Что
бо мне тобою претимая мука или
настоящее житие противу будущаго
Царствия?» Христиане тайно взяли
тела мучеников из Орды и перенес-
ли их в Чернигов. В 1572 году по пове-
лению Иоанна Грозного святые мощи
мучеников и исповедников — князя
Михаила и боярина Феодора — были
взяты в Москву.

Сказание об исповедническом
подвиге князя Михаила и боярина

Феодора было написано их духовником епископом Иоанном.

По «Иконописному Подлиннику», «Михаил подобием рус, власы кудреват, брада аки Иоанна Предтечи, с проседью, шуба камчата, верх лазорь, пестрен киноварью с белилом, испод лазорь, камка, в правой руке держит крест, а в левой — меч в ножнах.

Феодор, боярин его, подобием сед, власы с ушей повилися мало, брада доле Афонасиевы и шире, шуба верх лазорь, камка, пестрена с белилом, испод киноварь пестрен, обема рукама молебныма держит церковь, и инде пишет: в руке крест, а в другой — меч в ножнах».



В
ТОЙЖЕ
ДЕНЬ

Святáго благовѣрнаго князя Олѣга Бря́нскаго, во ино́цех Леóнтія

Тропа́рь, глас 8:

От юности возлюбив Христа всем сердцем, преподобне, / славу земную, яко преходящу, оставил еси, / и, царство земное в ничтоже вменив, / лику иноков радостно причелся еси, / и труды многими град Брянск, аки солнце пресветло, озарил еси: / тем быв Троицы украшение, // моли, княже Олэже, Христа Бога, спастися душам нашим.

Конда́к, глас 4:

Уподобился еси плодоносней леторасли / от корене честнаго, / Олэже благородне, / истину возлюбив и нетленный Христов живот. / Темже молитвою, бдением и пощением / светильник великий быв твоим учеником, // просвети, блаженне, отечество твоё и спаси души наша.

Моли́тва

О преподобне отче, благоверне княже Олэже, угониче Христов усердный, молитвенниче ко Господу тёплый, защитниче в бедах и утешителю в печалех неустанный! Воззри, преблаженне, милостиво на град твой и виждь чада твоя, смиренно ти припадающая и служити тебе хотящая. Не отвергни требующия твоея помощи, но яко благодетель и ходатай моли присно Господа Бога и Спаса нашего Иисуса Христа, да благословит страну Российскую, в мире и благоверии ю сохраняя, грады умножая, достояние Своё соблюдая. Вознеси, богоносне отче наш, сие малое моление недостойных раб твоих Владыце Христу, да утвердит

во святѣй Правослѣвней Цѣркви живы́й дух правыя вѣры и любвѣ, благочѣстие непоколебимо, любомудрие хриstopослѣдовательно, да дарует пастырем ревность попечѣнія о спасѣнии людѣй, во ѣже неверующія просветити, заблудшія наставити, отпадшія обратити и привлещи. Изряднее же, да вся чада Цѣркве Правослѣвныя чисты сохранит от мирскихъ искушеній, похотей плотскихъ, суемудрія, суевѣрій и наваждѣній вражескихъ. Ей, угóднице Бóжий, не прѣзри нас, молящихся тебѣ, но помози нам скорымъ предстательствомъ твоимъ, да всякихъ бед, напастей и скорбѣй в сей жизни временней избежавше, кончину непостыдну обретемъ, и тако на землѣ богоугóдно поживше, жизни райския на Небесѣ сподобимся, идеже вкупе с тобою прославимъ человеколюбие и щедроты в Трѣбице славиимаго Бóга, Отца и Сына и Святаго Духа, во вѣки вѣковъ. **Аминь.**

Святой благоверный князь Олег Романович Брянский (в иночестве Леонтий), внук священномученика благоверного князя Михаила Черниговского, отличался глубоким благочестием и стремлением к ангельскому образу. Приняв постриг, благоверный

князь поселился в Брянском Петропавловском монастыре, построенном на его средства. В этом монастыре святой князь совершал иноческий подвиг и скончался около 1285 года (по другим данным — в 1331 году). Сведения о нем сохранились в русских летописях.

